



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

VI. Si clericus a Kalendis Martii vsque ad Kalendas Nouembris decesserit, dispositionem fructuum allius anni pro sua voluntate poterit habere.

urn:nbn:de:hbz:466:1-15588

ANNO CHRISTI 1179. de bonis quæ ipsius sunt, conferre, si eis supersunt, vt eorum exemplo ceteri inuidentur.

CAP. III. *Idem.*

Ceterum si abbatem tuæ diocesis donationem cum priore & quibusdam de conuentu suo facere contigerit, & pars conuentus postea reclamauerit, datæ rei quantitas & illius terræ consuetudo, quæ tamen sacris Canonibus manifeste non obuiet, est diligentius attendenda, & secundum hoc est donum ratum vel irritum iudicandum. Verum cum alicui ecclesiæ possessio quælibet, interposita conditione, donatur, non potest a donatore donum postea reuocari, nisi forte tali sit conditione collocata, quod ea cessante possessio reuocari debeat.

CAP. IV. *Idem V Vigorniensis episcopo.*

Illas vero terras, quæ de siluis extirpatæ, sunt arabiles factæ, eius hereditario iure sub annuo censu poteris concedere tenendas, a quibus ipsas suorum vel parentum suorum labore constiterit fuisse extirpatas, nisi forte aliis possint ad maiorem ecclesiæ vtilitatem cum eodem honore & labore conferri.

CAP. V. *Idem Panormitano archiepiscopo.*

Quia tua nos duxit prudentia consulendos, vtrum clerici scholares de rebus mobilibus, aut immobilibus possint condere testamentum, consultationi tuæ respondemus, quod licet de his quæ paternæ successionis & cognationis intuitu aut de artificio sunt adepti, siue dono consanguineorum aut amicorum suorum, non habito respectu ad ecclesiam, perueniunt ad ipsos, libere disporre valeant, de his tamen quæ de consideratione ecclesiastica perceperunt, nullum de iure possunt facere testamentum.

CAP. VI. *Idem Salernitano episcopo.*

Ad hæc licet consuetudo illa non sit rationi consona, secundum quam clericus, si a Kalendis Martii vsque ad Kalendas Nouembris decesserit, totum fructum beneficii, quem deberet anno illo percipere, pro voluntate sua

Pars capituli supra, de clericis matrimonio copulatis.

Concil. Tom. 27.

Oooo

largitur: quia tamen in multis ecclesiis obseruatur, satis eam in archiepiscopatu tuo poteris tolerare, præsertim si clericus in decessu suo grauetur debitis. Et illud est omnino rationi contrarium, vt vnus clericus in vna vel in diuersis ecclesiis archidiaconatum & cantoriam vel decanatum obtineat, cum singula officia quæ sunt in ecclesiis, assiduitatem exigant * præstari.

CAP. VII. *Idem.*

Ecclesiam
iure mino-
rum seruari
illæsam.

De possessionibus autem, laicis sub modico censu concessis, nouerit tua fraternitas, quod si læsa ecclesia est & manifestum appareat detrimentum ipsius, cum eius conditionem deteriorem facere non licuerit, & ecclesia iure minorum semper debeat illæsa conseruari, quæ in damnum ipsius constiterit, ad ipsius proprietatemque redire conuenit. Prouidendum est tamen, ne si forte colonus possessiones illas expensis ac suo labore fecerit meliores, sumptibus, quos bono animo fecerit, debeat defraudari.

CAP. VIII. *Idem Cenomanensi episcopo.*

Ad hoc præsentibus tibi literis innotescat, quod clerici de mobilibus quæ per ecclesias sunt adepti, de iure * restau-
rari non possunt, viuentes tamen & sui compotes moderate valent aliqua de bonis ipsis, non ratione * tementi, sed
intuitu eleemosynæ * erogare, in ægritudine etiam con-
stituti.

CAP. IX.

Idem decano & capitulo Morianensi.

Ad hoc in apostolicæ sedis specula sumus, licet immeriti, Domino disponente, constituti, vt aciem nostræ considerationis ad vniuersas ecclesias extendamus, & earum commodis & profectibus omnino intendamus. Peruenit autem ad audientiam nostram ex parte venerabilis fratris episcopi vestri, quod ipse pro ecclesiæ vestræ necessitatibus magno sit onere debitorum prægrauatus. Vnde quasi vir prouidus & discretus nos obnixè rogauit, vt vos pro eis reddendis sollicitos redderemus. Quia vero decet vos pro vtilitate ecclesiæ & incremento, diligentes &